

In fait divers esttraordinére.

Du n'sais nî si vos stéz comme Zante,mais il ain-me bî d'lire les faits divers dins s'gazette.Du n'va nî dire qu'l coumminche pa ça pusqu'il in va prumî lire les mintries d'mossieur Mètèyo.

Ene pètite parinthese à ç'sujet-la:Zante arrindje es' n'ouvrâdje au djardin d'après l'contrére dè ç'qui est scrit.Si l'gaillard annonce dè l'pieuv',Zante arrose ses légumes èyè si l'bon timps es't'annoncî,I rint' ses ostis pou n'nî les accruwi.Ca li rèussit souvint!

Il a djà pinsé invouyî ène nouvelle gernouille à l'gazette pasquè l'çienne qui boute pou l'moumint doit vire aussi clair qu'in fwant.Malheureus'mint,el facteur èn'vût nî transpoûrtér n'biesse qui fait l'min-me brût què s'chef! Donc,in lisant ç'qu'on app'loût dins l'timps « les tchîns spotchîs »,Zante d'a trouvé in spécial qu'il est ran'mint v'nu m'lire.

In Amèrique (l n'a qu'là qu'ça arrive,des affères pareilles),èyè pou yesse pu précis à Kingston dins l'état dè Delaware,on a assisté à in cambriolâdje inimaginâb'!

In malandrin (ça doit yesse ène sorte d'Indien) a sauté l'cloture d'ène propriété pou volér in soutien-gorge qu'on avoût mis à sèki!

Zante a dabouârd pinsé qu'çî l'ouvrâdje d'in fétichisse.In fétichisse,ç'es't'in simplot qui amonchelle des d'sous d'coummére dins s'chamb' èyè qui vût yesse au prumî rang au concert dè Madonna pou quand elle va r'wér s'marronne dins les djins.

In lijant pu long,il a compris l'djeu:El' malheureuse qui a sté volée avoût (èyè a co toudi put-êt') in tour d'estoumac dè 129 cm!



Vos vos rindèz compte?In soutien-gorge qui r'chène à n'bachè dè toutniquet! In osti pareil doit yesse fait su m'sures èyè ça doit yesse ène pièce unique. Zante suppose donc què ç'es't'ène coummére du min-me modèle (genre cuve à mazout) qui n'avoût nî les liards pou d'akatér yun èyè qui l'la volé.Ou putôt qui l'a fait volér pasquè kertchî ainsi,on n'saute nî pa d'seûr les clotures! In rattendant,es'djin-la î foûrt imbétée.Elle a infilé in tee-shirt XXXXXXL pour li dallér dèposér plainte! Dins no p'tit pays,ça n'arrivroût nî.Ene paire dè tèttes pareille s'roût considérée comme in handicap èyè l'mutuelle intervéroût dins les frais d'fabrication. On vit quand min-me bî par-ci!

Françwès.